

153 »Got weiz, hêr scheneschalt,  
daz Cunneware de Lalant  
durch den knappen ist zerbert.  
iwer vreude es wirt verzert  
5 noch von sîner hende,  
ern sî nie sô ellende.«  
»Sît iwer êrste rede mir drôt,  
ich wæne, irs wênic iuch gevrôut.«  
sîn brât wart gealûnet,  
10 mit slegen vil gerûnet  
dem witzehaftem tôren  
mit viusten in sîn ôren;  
daz tet Keie sunder twâl.  
Dô muose der junge Parzival  
15 disen kumber schouwen,  
Anthanors unt der vrouwen.  
im was von herzen leit ir nôt;  
vil dicker greif zem gabilôt.  
Vor der kûnegîn was sôlch gedranc,  
20 daz er durch daz vermeit den swanc.  
urloup nam dô Iwanet  
zem fillu roy Gahmuret.  
**D**es reise al eine wart getân  
hin ûz gein Ither ûf den plân.  
25 dem saget er sôlhiu mære,  
daz niemen dinne wære.<sup>K</sup>  
— — —  
— — —  
»Ich sagte, als dû mir verjæhe,  
30 wie ez âne danc geschæhe,